



Broj: 02-05-3035/17
Trnovo, 02.11.2017. godine

Na osnovu člana 70. Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javnih nabavki broj 02-05-3035/17 od 02.11.2017. godine, u postupku javne nabavke radova Zimska služba 2017/2018 za MZ Delijaš, Općinski načelnik je d o n i o

ODLUKU o izboru najpovoljnijeg ponuđača

Član 1.

Prihvata se Preporuka Komisije za provođenje postupka javnih nabavki, broj: 02-05-3035/17 od 02.11.2017. godine i ugovor za javnu nabavku radova- Zimska služba 2017/2018 za MZ Delijaš, dodjeljuje se ponuđaču **Milišić-Trans d.o.o. Sarajevo, Brda b.b.-Trnovo., ponuda od 17.10.2017. godine, za ponudenu cijenu od 40.705,00 KM, bez PDV-a**, kao najpovoljnijem ponuđaču.

Član 2.

Prijedlog ugovora o nabavki dostavit će se na potpis izabranom ponuđaču **Milišić-Trans d.o.o. Sarajevo, Brda b.b.-Trnovo.**, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici www.trnovo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-05-3035/17 od 3.10.2017. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 41.025,70 KM.

Obavijest o nabavci broj: 886-7-3-71-3-50/17 na Portalu javnih nabavki objavljena dana 3.10.2017. godine.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabava):

- Ponuđaču: JKP „Trnovo“ d.o.o. Trnovo, Dejčići b.b.,
- Ponuđaču: Milišić-Trans d.o.o. Sarajevo, Brda b.b.,
- Ponuđaču: MGBH d.o.o. Sarajevo, Lužansko polje 7., Ilidža.

Komisija za provođenje postupka javnih nabavki dostavila je dana 01.11.2017. godine izvještaj o radu broj: 02-05-3035/17 od 02.11.2017. godine, izvještaj o ocjeni ponuda i Preporuku o izboru najpovoljnijeg ponuđača broj: 02-05-3035/17 od 02.11.2017. godine, u postupku javne nabavke radova- Zimska Služba 2017/2018 za MZ Delijaš.

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2,
- da je blagovremeno zaprimljeno 2 ponuda.
- da je neblagovremeno zaprimljena 0 ponuda.
- da je ponuda ponuđača Milišić-Trans d.o.o. Sarajevo, Brda b.b.-Trnovo, prihvatljiva.

- da ponuda ponuđača MGBH d.o.o. Sarajevo, Lužansko polje 7.-Ilidža, nije prihvatljiva. Razlozi neprihvatanja ponude su:

Ponuđač MGBH d.o.o. Sarajevo, Lužansko polje 7.-Ilidža, isključuje se iz daljnjeg postupka javne nabavke iz slijedećih razloga: ponuđač je dostavio popis izvršenih ugovora u vezi sa predmetom nabavke i isti se nalazi na stranicama 27-32 ponude. Međutim, daljnjim uvidom u ponudu istog, vidljivo je da isti nije dostavio potvrdu o uredno izvršenom jednom ugovoru u iznosu od najmanje **50.000,00 KM, i to na poslovima zimskog održavanja lokalnih cesta na nadorskim visinama preko 1300 m**, a kako je to traženo dijelom III Uslovi za kvalifikaciju ponuđača tačkom 1.5. Tehnička i profesionalna sposobnost alinejom b). Uvidom u ponudu konstatovano je da je ponuđač na stranicama 33-40 dostavio potvrde o izvršenim ugovorima, ali ni iz jedne nije vidljivo da se radi o poslovima zimskog održavanja lokalnih cesta na nadmorskim visinama preko 1300 m. U konkretnom slučaju se tražilo isključivo potvrda na zimskom održavanju lokalnih cesta na nadmorskim visinama preko 1300m, bez napomene da se mogu priložiti i potvrde sa istih i sličnih poslova, tako da u konkretnom slučaju niti jedna priložena potvrda nije mogla biti prihvaćena.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

R.br.	PONUĐAČ	Konačna cijena bez PDV-a
1.	Milišić-Trans d.o.o. Sarajevo, Brda b.b.-Trnovo	41.020,00

Izabrani ponuđač je izabran primjenjujući kriterij najniže cijene, koja je ponuđena u iznosu od 41.020,00 KM bez PDV-a, dok su ostali ponuđači čije su ponude prihvatljive ponudili sljedeće cijene kao što je u tabeli navedno i čime je utvrđen i njihov sukcesivni red.

Na osnovu naprijed navedenog, odlučeno je kao u članu 1. Odluke.

POUKA O PRAVNOM LIJEKU

Protiv ove odluke može se izjaviti žalba u roku od 10 dana od dana prijema Odluke o izboru najpovoljnijeg ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:
1. Ponuđačima
2. U spis predmeta

Općinski načelnik
Ibro Berilo